

QUÆSTIO MEDICA,

Cardinalitiis disputationibus manè discutienda in Scholis Medicorum, die Jovis 2 mensis Aprilis 1716.

M. ALEXANDRO LE FRANCOIS, Doctore Medico, Præside.

An quo tempore fluunt catamenia, noxia Venus?

I.

EX alimentorum variis generibus colore, sapore, odore plurimum à se invicem diffitis, mirum quàm uniformis conficiatur chylus: Ex hoc in sanguinem converso non minùs mirum quàm discrepantes eliciantur succi. Hos secernunt diversa variis in locis aptata incernicula. Glandulis ea constant sic à naturâ comparatis, ut quodlibet incerniculum humorem cui percolando dicatum est, transmittat, cæteros respuat liquores. Quo pacto hæc fiant, cum sensibus non detegatur, vix fas est credere id unquam cognoscendum. Rem explanare non desperârunt qui inter Medicos Hypothesibus fulgenti, ad explicandas corporis functiones confictam adhibent mechanice. Verùm quàm infœlici successu! Alii in quovis colo supposuerunt fermentum, cujus interventu humor secernendus divelleretur à reliquo sanguine; alii glandularum poros eâ magnitudine & figurâ donârunt, quæ particulas secernendi humoris sinerent elabi, cæterarum transitui obstarent; alii in quovis incerniculo crediderunt ab ipso sætûs primordio inditum humorem, quicum in sanguine contentus liquor congener ita sociaretur, ut pervadere columbia posset, aliis liquoribus non admissis; quemadmodum charta emporetica oleo primùm imbuta oleosis particulis transitum præbet, quem denegat aquosis. Sed otiosa sunt hæc hominum ingeniosè delirantium commenta. Ut sua habet Mysteria Religio, sic in rerum naturâ sunt adyta hominum mentibus inaccessa. Tu ne quæsieris scire nefas. Sapientis est æquo animo ignorare insensibilem corporis mechanismum, quem supremus Artifex occultum esse voluit. Structuram partium sensibus obviam, earumque functiones conspicuas apprimè callere satagit prudens Medicus; in scrutandis additis non ludit operam. Secretionum Artem curiosius non rimatur, sed quid secretionibus fiat diligenter addiscit. Earum ope humores functionibus obcundis cum utiles, tum etiam inutiles à reliquo sanguine

colari novit, hos foras expellendos, illos intus condendos; non mediocriter ladi sanitatem si alterutri in sanguine confusi remaneant, vel si qui excerni debent retineantur, vel si quos retineri convenit, excernantur.

II.

QUANTUM VIS boni sint succi potus & cibus, plurimas continent particulas exercendis functionibus non solum ineptas, sed etiam nocituras nisi è corpore eliminentur. Undè harum fieri secretionem excretionemque necesse est. Renum commeatu serum copiosis recrementis fortum, quod urina dictum est, è sanguine secedit; ipsius fuligo per pulmones indefinenter expirat; sudor per cutem erumpit; mucus per membranam nares succingentem; cerumen per cutem internæ auri prætersam expurgatur. Tantum est humores inutiles è corpore expelli, ut in singulis partibus non desint cola, quæ opus adeo necessarium præstent. Quali tot emunctoria vix sufficiant, nonnunquam nova exurgunt; hæmorrhoidibus vitiosus humor excernitur; si quæ contingat præter naturam continui solutio, modò brevi non fiat coalitus partium divisarum, eâ vulgò abutitur natura ad succos inutiles pellendos. Evacuationem solitam suppressi angue pejus; mille præstò sunt incommoda. Retenti humores diathesin sanguinis evertunt; in has vel illas irruunt partes, ibique phlogoses, vel œdemata gignunt, dolores excitant, & si crassiores sint, figuntur & in schirrosos concresecunt tumores. Hinc ulcera diuturna non absque periculo consolidantur, nisi pravis humoribus per illa effluere consuetis alia via per catharsin repetitam præbeat, Non minus pertimescendum clausis imprudenter fonticulis. At longè graviora impendent mala cum humor erumpens derepente sistitur: qui tunc è sanguine secretus est, omnino depravatur circulationis defectu, nec solitum repetit iter quin pravam indolem sanguini impertiat. Hinc si sudor derepente cohibeatur, peripneumoniam, pleuritidem, anginam, rhumatissimum frequenter accersiri notum lippis & tonsoribus.

III.

EÆDEM fermè competunt evacuationes maribus & scæminis. His tamen peculiariis est menstrua purgatio, quâ scilicet uno quoque mense cruoris stillicidium per vasa uteri experiuntur. In investigandâ istius periodici effluxûs causâ plurimum insudârunt Medici, sed incassum; latet adhuc latebitque. Diù invaluit opinio quæ menstruam hanc evacuationem Lunæ ascribebat: mirum quòd error adeo manifestus doctas mentes tamdiu excecaverit. Nullatenus enim cum Lunæ motibus congruit hæc evacuatio. Nostræ ætatis Medici paulò subtiliùs rem perscrutati, alii fermentum aut in ipso utero aut in sanguine, alii plethoram, quidam semen in propriis vasis turgidum causati sunt; meræ conjecturæ; nullâ ex parte rationes sat firmæ afferuntur, quæ Medicum prudentem moveant ad ferendum de hæc quæstione iudicium. Aliter de excreti tunc sanguinis indole sentiendum.

Quamvis enim sat floridus aliquando videatur, ne tamen sincerum existimaveris. Uterus corporis fœminæ sentina est: pravi corruptique succi per hanc viam amandantur, præcipuè menstrui fluxus tempore. Ideò tunc ob acrimoniam titillantur fœminæ, & ad Venerem excitantur. Indè in quibusdam expirans teter odor vinum, & alia benè multa corrumpit. Dùm perverso rerum non naturalium usu præpeditur iste effluxus; retenta colluvies malorum invehit catervam. Adsunt brevi Chlorosis, uterina suffocatio, icterus, schirri, vomitus enormes, &c. Securius, quamvis non semper impunè per fœcundationem impeditur. Qui enim humores pravi hâc viâ excerni solent, si per aliam eliminentur, gravidæ mulieres prosperantur valetudine; secus, si aliter contingat. Hinc nonnullæ, quandiu uterum gerunt, bellè se habent, multæ gestationis initio variè affliguntur, quædam etiam usque ad partum. Sed dùm fluentibus menstruis mulier concipit, uterus sese contrahit, subitoque fit mensium suppressio, matri & soboli non mediocriter nocitura.

I V.

QUÆ singulos tollit, toti hominum generi exitialis foret dura lethi necessitas, nisi ipsius perennitati generatione consultum esset. Maris, fœminæque copula procreatis fœtibus jacturam decedentium refarcit. Idcirco in utroque sexu mira inest, & penè ineluctabilis propensio ad mutuum amplexum, ad quem ut efficacius inducerentur, voluptatis illecebris trahi voluit supremus rerum opifex. At hominem rationis compotem plus æquo voluptate affici indignum est. Ita sensibus duci non debet in venereos amplexus, ut libidini imprimis serviat, oblitus quem sibi Autor naturæ proposuit. Ne ergò detur opera liberis quandiu fluunt catamenia: non enim leve detrimentum valetudini afferret hæc incontinentia. In mutuo amplexu utriusque sexus hinc indè exhalant effluvia, quæ è fœminæ corpore in marem facillè penetrant & vicissim. Inde quæ labes humorum est unius, sæpissimè alterius sanguinem inficit. Uxor pituitica morbum conjugii frequenter communicat. Fœda igitur colluvies catamenii excerni solita, & plurimum insensa fœminæ cum intus retinetur, non leviter offendet maritum, si eà erumpente Veneri indulgendo virus hauserit. Multo magis læditur uxor cum fœcundus tunc est coitus. Subito enim compressa humorum vacuandorum excretio, gravia accersit mala. Sive enim ii subsistant alicubi, sive intrâ vasa resorbeantur, & fœtum & matrem malè afficiant; graviora erunt, quæ tunc gravidæ affligere solent, incommoda; quin summum est periculum, ne morbi quàm plurimi inde oriantur. Alimentum fœtui sufficiens vix ac ne vix quidem sincerum erit, undè imbecillus evadet, & levi de causâ ante tempus prodibit. Si prægnans statutum partus momentum attingat, editus in lucem infans vivet causarius, nisi præmaturâ morte luat parentum culpam.

V.

NON minùs in Veneris quàm in alimentorum usu modus servandus. Si enim his individuorum, illâ speciei conservationi provideret. In utrisque libidinem explere nulla sanitatis habitâ ratione, pecudum ritu

vivere est. Sicut ergò delectationis causâ errare in cibo & potu minimè licet, ita Venere abuti rectæ rationi adversatur. Ideò conjuges culpandi, si & speciei & suæ ipsorum conservationis parùm studioſi Venerem exerceant, dùm fluunt catamenia; suæ quippè minùs consulunt valetudini, atque etiam prolis, si tunc gravidetur mulier. Hinc est quod apud Ezechielem Prophetam inter crimina recensetur talis coïtus. ^a *Et vir si fuerit justus & fecerit judicium & justitiam, in montibus non comederit, & oculos suos non levaverit ad idola domus Israel, & uxorem proximi sui non violaverit, & ad mulierem menstruam non accesserit, . . . Hic justus est; vitâ vivet, ait Dominus.* Adeò grave peccatum istud visum est, ut capite luendum judicaverit Lex Moyſi. ^b *Qui coïterit cum muliere in fluxum mstruo & revelaverit turpitudinem ejus; ipsaque aperuerit fontem sanguinis sui, interficientur ambo de medio populi sui.* Ad malum propensissimis ita oportuit pœnæ metum incutere. At virum probum sola officii ratio ab eo quod prævum est, avertit. Ne ergò parùm sui potens fluentibus catameniis Venerem exerceat sanitati infensam; illum si non reprimat loci fœditas, saltèm deterreat sua conjugisque & prolis nascituræ salus, quæ hinc in dubium venit. Nam per illam evacuationem pravus corruptusque humor stillat ex utero, hujus humoris portio coïtus tempore in intima viri penetrans, ipsius sanguinem inficiendo sanitatem labefactat. Fœcundatio, quæ præcipuus est Veneris finis, non nisi matris & fœtus periculo contingit, subito coercitâ evacuatione.

^a Sap. 18. vers. 9.

^b Levitic. cap. XX. vers. 18.

Ergo quo tempore fluunt catamenia, noxia Venus.

Proponebat Parisiis JOANNES DAMIANUS CHEVALIER.
Andegavensis, Baccalaureus Medicus, A. R. S. H. 1716.